

醫宗金鑑

卷五十三至
卷五十六

御纂醫宗金鑑卷五十三

編輯幼科雜病心法要訣

感冒門

感冒風寒總括

小兒肌膚最柔脆偶觸風寒病榮衛輕爲感冒病易痊重爲傷寒證難退夾食夾熱或夾驚疎散和解宜體會〔註〕小兒氣血未充肌膚柔脆風寒所觸邪氣入於腠理榮衛受病輕者爲感冒易痊重者爲傷寒難治又有夾食夾熱夾驚等證或宜疎散或宜和解臨證時細爲體察焉

傷風

肺主皮毛感邪風發熱憎寒頭痛疹有汗噎涕脈浮緩鼻塞聲重咳嗽頻杏蘇飲同金沸散疎風解表莫從容〔註〕傷風者風邪傷衛也衛主皮毛內合於肺故令身體發熱憎寒頭疹有汗噎涕鼻塞聲重不時咳嗽也脈浮緩宜杏蘇飲解散外邪繼用金沸草散開通氣逆則愈

杏蘇飲

杏仁炒去皮尖

紫蘇

前胡

桔梗

枳殼麸炒

桑皮炒

黃芩

甘草生

麥冬去心

浙貝母去心

橘紅

引用生薑水煎服

〔方歌〕杏蘇飲治風傷肺杏仁紫蘇前桔同枳殼桑皮黃芩草麥冬貝母合橘紅

金沸草散

細辛

荆芥

半夏薑製

旋覆花

前胡

甘草

赤芍

引用薑棗水煎服

〔方歌〕金沸草散微傷風細辛荆芥半夏同旋覆前胡生甘草生薑紅棗赤茯苓

傷寒

小兒傷寒表感寒發熱無汗而惡寒頭痛身痛脈浮緊嘔逆煩渴病邪傳初用羌活熱通聖邪傳柴葛大柴煎（註）傷寒者乃寒邪傷表榮分也其證身體發熱惡寒無汗頭痛身痛而脈浮緊若嘔逆煩渴者則為邪盛欲傳經也此證初宜九味羌活湯如熱盛者以雙解通聖湯治之服此藥後已汗下不解而傳經者宜用柴葛解肌湯兼裏證者用大柴胡湯以解表通裏因證施治庶不致誤

九味羌活湯

蒼朮炒

白芷

川芎

細辛

羌活

防風

生地

黃芩

甘草生

引用生薑葱白水煎服大便秘者加大黃

〔方歌〕傷寒初起羌活湯蒼朮芎細合羌防生地芩草薑葱入便秘之時加大黃
雙解通聖湯

麻黃

朴硝

大黃

當歸

赤芍

川芎

白朮土炒

石膏

滑石

桔梗

梔子

連翹去心

黃芩

薄荷

甘草生

荊芥

防風

引用生薑葱白水煎服

〔方歌〕傷寒熱盛通聖湯表裏兩解麻硝黃歸芎芩膏滑桔梔翹芩薄草荊防
柴葛解肌湯

葛根

柴胡

白芷

羌活

桔梗

石膏

黃芩

赤芍藥

甘草生

引用生薑紅棗水煎服

〔方歌〕柴葛解肌解三陽葛根柴胡白芷羌桔梗石膏芩赤芍甘草煎服自安康

大柴胡湯

柴胡

黃芩

赤芍藥

半夏 薑製

枳實 麸炒

大黃

引用生薑大棗水煎服

〔方歌〕大柴胡治邪傳經少陽陽明表裏通柴胡黃芩赤芍藥半夏枳實大黃同

感冒夾食

內傷飲食感寒風發熱憎寒頭痛疹惡食噯臭吐酸物便秘尿澀腹熱膨雙解藿香正氣飲化滯平胃斟酌行〔註〕小兒平日飲食無節內傷停滯外復爲風寒所襲故成是證也其候發熱憎寒頭痛惡食噯臭吐酸便秘尿澀腹熱膨脹也熱盛者用雙解通聖湯兩解之內無熱者用藿香正氣湯和解之表邪既解然後調理其脾用平胃散消導之庶幾外無餘邪內無滯熱而病自愈矣

雙解通聖湯 方見傷寒

藿香正氣湯

蘇葉

白芷

藿香

陳皮

半夏 薑製

茯苓

大腹皮

甘草 生

厚朴 薑炒

桔梗

引用生薑紅棗水煎服

〔方歌〕和解藿香正氣湯蘇葉白芷共藿香陳半茯苓大腹草厚朴桔梗引棗薑

平胃散

方見
規乳

加山查神麴麥芽

感冒夾熱

平素有熱感風寒面赤脣焦口鼻乾憎寒壯熱頻飲冷心煩譫妄便多艱瀉熱先宜用通聖清熱涼膈天水煎〔註〕小兒臟腑素稟多熱今復爲風寒所傷風熱相搏則火邪愈盛故其現證有面赤脣焦口鼻乾燥憎寒壯熱口渴飲冷心神煩燥譫語狂妄二便秘澀治宜散其風寒更宜兼瀉其熱須用雙解通聖湯兩解之若服藥後汗

出便利病雖少減熱猶不退者治宜清熱為主當以涼膈散合天水散治之則表裏清而病愈矣

雙解通聖湯

方見傷寒

涼膈散

方見傷寒

天水散

滑石

六兩飛

甘草

一兩生

共爲細末每服一錢燈心湯調下

感冒夾驚

感冒病時觸驚異心驚膽怯睡不安身熱煩躁面青赤疏解散與涼驚丸和以柴胡溫膽劑寧神定志效通仙〔註〕小兒感冒邪氣未解復爲驚異所觸故見心驚膽怯睡臥不安身熱煩躁面色青赤之證先以疏解散疏散之再以涼驚丸清鎮之如病雖退尙覺心驚不寐者宜用柴胡溫膽湯和解之

疏解散

羌活

蘇葉

防風

枳殼

麸炒

桔梗

前胡

赤芍藥

杏仁

炒去皮尖

殭蠶

炒

甘草

生

黃連

酒炒

引用生薑水煎服

〔方歌〕疏解散治感冒驚羌活蘇葉及防風枳桔前胡黃連芍杏仁殭蠶甘草同

涼驚丸

方見傷寒

柴胡溫膽湯

柴胡

陳皮

半夏

薑製

茯苓

甘草

生

竹茹

枳實

麸炒

引用生薑水煎服

〔方歌〕柴胡溫膽感冒驚病後餘邪尙未寧柴胡陳半夏茯苓草竹茹枳實薑用生

瘟疫門

瘟疫總括

瘧病傷寒傳變同感寒卽病傷寒名冬受寒邪春復感因感而發瘧病成至夏感發爲熱病逐戶相傳乃天行四時不正爲時氣痧疹瘧症要詳明〔註〕瘧病之傳變與傷寒無異有冬感於寒而卽病者名曰傷寒有冬傷於寒而未卽病者寒邪藏於肌膚之內伏於榮衛之間至春復感春風發爲瘧病至夏復感暑熱發爲熱病若逐戶闔門老幼相傳乃天行瘧疫其害更烈或春夏應煖熱而反寒秋冬應寒涼而反熱此爲四時不正之氣名曰時氣相感爲病亦與傷寒同其治也其間或發瘧發痧發疹要當詳明其證治法在後

瘧病

冬受寒邪不卽病復感春寒發名瘧證同傷寒治雙解嘔加生薑半夏均〔註〕瘧病一證乃冬受寒邪不卽爲病至春復感春風而發者也現證與傷寒相同用雙解通聖湯兩解之若嘔吐者以生薑半夏入之其嘔自止

雙解通聖湯

方見傷寒

風瘧

風瘧復感春風發汗熱身重睡鼾眠汗少荆防敗毒治汗多桂枝白虎煎〔註〕風瘧冬受寒邪復感春風而發爲病也其證身重睡鼾發熱自汗汗少者以荆防敗毒散解之汗多者以桂枝合白虎湯清解之

荆防敗毒散

荆芥

防風

羌活

獨活

柴胡

前胡

甘草

生

川芎

枳殼

麸炒

桔梗

茯苓

引用生薑水煎服

〔方歌〕荆防敗毒宜時氣風瘧無汗用之靈荆防羌獨柴前草川芎枳桔與茯苓

桂枝合白虎湯

桂枝

芍藥

石膏

煨

知母

生

甘草

生

粳米

引加生薑大棗水煎服

〔方歌〕桂枝湯合白虎湯壯熱多汗服此方桂芍石膏知母草粳米大棗共生薑

熱病

冬受寒邪不即病至夏復感暑熱成身不惡寒而多渴證同瘟疫治亦同〔註〕熱病乃冬受寒邪不即為病至夏復感暑熱而成故名曰熱病現證與瘟疫相類但不惡寒口乾作渴為少異耳治法亦與瘟疫同

瘟疫

天行厲氣瘟疫病為病挨門合境同皆由邪自口鼻入故此傳染迅如風當分表裏陰陽毒因時取治審重輕古法皆以攻為急荆防普濟救苦攻〔註〕瘟疫一證乃天地之厲氣流行沿門闔戶無論老少強弱觸之者即病蓋邪氣自口鼻而入故傳染之速迅如風火但毒有在表在裏在陰在陽之分其或發或攻或清當因春風夏熱秋涼冬寒之四時各異隨人虛實量乎輕重以施治也古法皆以攻毒為急者以邪自口鼻而入在裏之病多故也發以荆防敗毒散清以普濟消毒飲攻以二聖救苦丹則酌量合宜審度醫治庶幾臨證時有得心應手之妙矣

荆防敗毒散

方見風瘟

普濟消毒飲

黃芩酒炒

黃連酒炒

陳皮

桔梗

板藍根

升麻

柴胡

薄荷

連翹去心

牛蒡子炒研

僵蠶炒

馬勃

甘草生

元參

引用燈心水煎服

〔方歌〕普濟消毒清時瘟芩連陳桔板藍根升柴薄荷翹牛蒡僵蠶馬勃草元參

二聖救苦丹

大黃四兩

皂角二兩

以上為末水丸每服一錢量兒大小與之用無根水下

瘟疫疹痧

傷寒疹癍失汗下時氣初感卽其然表邪覆鬱榮衛分外泛皮脈痧疹癍痧白疹紅如膚粟癍紅如豆片連連紅輕赤重黑多死淡紅稀暗是陰癍未透升麻消毒治熱盛三黃石膏煎已透消癍青黛飲痧疹表裏雙解先〔註〕傷寒發癍疹痧皆因汗下失宜外邪覆鬱內熱泛出而成也惟時氣傳染感而卽出亦猶疫之爲病烈而速也發於衛分則爲痧衛主氣故色白如膚粟也發於榮分則爲疹癍榮主血故色紅膚淺爲疹深重爲癍癍形如豆甚則成片連連癍疹之色紅者輕赤者重黑者死此以色辨熱之淺深驗死生也若其色淡紅稀暗者皆因邪在三陽已成癍疹由外入裏邪從陰化或過服涼藥所致是爲陰癍陰痧陰疹法當從陰寒治也癍出未透表熱輕者宜升麻葛根湯合消毒犀角飲治之表熱重者宜三黃石膏湯發之已透者用消癍青黛飲加減清之疹痧初起表裏不清用雙解通聖湯先通表裏餘法同前

升麻葛根湯合消毒犀角飲

升麻

葛根

芍藥

甘草 生

牛蒡子

荊芥

防風

犀角

引用芫萎水煎服

〔方歌〕升麻消毒表癍疹升葛芍草蒡荆防倍加犀角急煎服表實熱盛另有方
三黃石膏湯

黃連

黃芩

梔子

黃蘗

豆豉

麻黃

石膏

引用生葱水煎服

〔方歌〕三黃石膏發癍疹表實熱盛有奇功連芩梔蘗與豆豉麻黃石膏生用葱
消癍青黛飲

石膏 煨

知母

犀角

甘草 生

梔子 生

川連 生

青黛

元參

柴胡

生地

人參

大黃

引用薑棗水煎臨服入苦酒一匙和服

〔方歌〕消癰青黛消毒癰石知犀角草梔連青黛元參柴生地人參大黃斟酌添

雙解通聖湯

方見傷寒

暑證門

暑證總括

小兒暑病有四證中暑陽邪傷暑陰暑風攻肝抽搐見暑厥攻心不識人〔註〕中暑爲陽邪單中暑熱也陽邪身熱有汗傷暑爲陰邪中暑復感寒也陰邪身熱無汗中暑熱極攻肝則抽搐攻心則厥冒不省人事治者果能因證分別施治自無難矣

中暑

中暑汗出身壯熱頭痛大渴煩不寧氣乏神倦兩足冷加味人參白虎靈〔註〕中暑之證身熱有汗因暑熱熏蒸故頭痛口渴煩躁不寧甚則氣乏神倦足冷惡寒須以加味人參白虎湯治之
加味人參白虎湯

人參

石膏

生

知母

生

粳米

甘草

蒼朮

水煎服

〔方歌〕加味人參白虎湯暑熱傷氣服最良參膏知母粳米草停飲嘔水更加蒼

傷暑

傷暑受暑感寒風無汗熱渴面赤紅乾噦惡心腹絞痛嗜臥懶食肢重疼清散二香飲極效氣虛六合湯奏功夾食惡食多吐瀉加味香薷法最靈〔註〕小兒傷暑謂受暑復感風寒也其證發熱無汗口渴飲水面色紅赤乾嘔惡心或腹中絞痛嗜臥懶食以二香飲治之此內清外散之法也若正氣虛弱當補正邪以六合湯治之若傷暑夾食大吐瀉者以加味香薷飲治之

二香飲

蘇葉

藿香

白茯苓

扁豆炒

厚朴薑製

陳皮

半夏薑製

甘草生

大腹皮

白芷

桔梗

川黃連

香薷

引用生薑燈心水煎服

〔方歌〕二香飲治風暑病蘇葉藿香白茯苓扁豆厚朴陳半草腹芷桔連香薷靈

六合湯

人參

香薷

半夏薑製

甘草生

砂仁

木瓜

赤茯苓

藿香

杏仁炒去皮尖

厚朴薑炒

扁豆炒

引用薑棗水煎服

〔方歌〕六合虛暑用人參香薷半夏草砂仁木瓜赤苓藿香杏厚朴扁豆棗薑勻

加味香薷飲

香薷

厚朴薑炒

陳皮

扁豆炒

山查肉

豬苓

甘草生

枳實麸炒

水煎服

〔方歌〕加味香薷治夾食香薷厚朴共陳皮白扁豆配山查肉豬苓甘草炒枳宜

暑風

暑風抽搐似驚風煩渴汗熱便黃紅先用加味香薷飲繼用玉露散即寧〔註〕暑風者手足抽搐狀似驚風者也

由暑熱攻肝內生風病其證煩渴身熱有汗二便黃赤先宜加味香薷飲疏其風繼以玉露散清其熱暑熱一解

而搐自止矣切不可當驚痢治之

加味香薷飲

香薷

黃連

扁豆炒

厚朴薑炒

羌活

引用燈心水煎服

〔方歌〕加味香薷治暑風香薷黃連扁豆同厚朴薑炒羌活入燈心煎服效從容

玉露散 方見火瀉

暑厥

暑厥昏眩不知人氣虛挾痰上衝心虛者清暑益氣治挾痰益元抱龍均〔註〕暑厥之證昏昧不省人事因其人元氣素虛暑熱衝心或挾痰上衝以致精神昏憤虛者以清暑益氣湯治之實者以辰砂益元散合抱龍丸治之清暑益氣湯

人參

黃耆 炙

當歸 酒洗

白朮 土炒

甘草 炙

陳皮

麥冬 去心

五味子

青皮 炒

蒼朮 炒

黃蘗 酒炒

升麻

葛根

澤瀉

神麴 炒

引用薑棗水煎服

〔方歌〕清暑益氣虛受暑參耆歸朮草陳皮麥味青皮蒼朮蘗升葛澤瀉神麴宜

辰砂益元散

辰砂 三錢水飛

滑石 六兩水飛

甘草 一兩末

每用一錢薑燈心湯調勻合抱龍丸服

抱龍丸

黑膽星 四兩九轉者佳 天竺黃 一兩

雄黃 水飛

辰砂 各半兩另研

麝香 一錢另研

以上爲細末煮甘草膏和丸皂

莢子大溫水化下

霍亂門

霍亂總括

霍亂風寒暑飲成卒然吐瀉腹心疼痛暑盛兮溼霍亂寒勝爲乾症不輕〔註〕霍亂者乃風寒暑飲之雜邪爲病卒然揮霍變亂心腹大痛吐瀉交作也其能吐能瀉者謂之溼霍亂夫暑飲雖盛若已經吐瀉其邪即解故易治

也若欲吐不能欲瀉不能者謂之乾霍亂蓋寒盛則凝既不吐瀉則邪無去路故多不救也

溼霍亂

吐瀉不已腹頻疼口渴引飲胸悶膨飲盛主以二香飲暑盛益元散最靈〔註〕溼霍亂者乃暑飲合邪也其證吐瀉不已肚腹疼痛口渴引飲胸膈膨悶飲盛者以二香飲主之暑盛者以辰砂益元散主之因證調治則暑飲之邪既清而霍亂之證立愈矣治者宜詳辨之

二香飲

方見傷寒

辰砂益元散

方見暑厥

乾霍亂

欲吐瀉之不吐瀉腹中絞痛不能堪煩渴大飲甘露飲肢厥不渴理中煎〔註〕乾霍亂者乃寒暑凝結欲吐不吐欲瀉不瀉腹中絞痛俗名絞腸痧病也治者當分寒暑如煩渴大飲者爲熱以桂苓甘露飲主之若厥逆不渴者屬寒以理中湯主之因證調治其病自愈

桂苓甘露飲

白朮

土炒

茯苓

澤瀉

豬苓

肉桂

少許

石膏

滑石

水飛

寒水石

水煎服

〔方歌〕寒暑凝結霍亂成桂苓甘露莫從容白朮茯苓豬澤桂膏滑寒水石相同

理中湯

方見不乳

痢疾門

痢疾總括

痢疾暑溼生冷成傷氣爲白傷血紅後重裏急腹窘痛寒熱時痢噤口名〔註〕痢之爲證多因外受暑溼內傷生冷而成傷於氣者色多白以肺與大腸爲表裏也傷於血者色多赤以心與小腸爲表裏也裏急者腹窘痛也後

重者頻下墜也又有寒痢熱痢時痢噤口痢之別醫者須詳察之

寒痢

寒傷久痢藏虛寒腸鳴切痛實難堪面脣青白喜飲熱理中養藏效通仙〔註〕寒痢者寒冷傷胃久痢不已或藏氣本虛復爲風冷所乘傷於腸胃故痢時腸鳴切痛面脣青白口雖渴喜飲熱此裏寒虛之證也初宜理中湯久則真人養藏湯治之寒得溫散而證愈矣

理中湯

方見不乳

真人養藏湯

人參

白朮 土炒

木香 煨

當歸 土炒

白芍 炒

肉桂

甘草 炙

罌粟殼 蜜炙

訶子肉 麵煨去核

肉果 煨

引用烏梅水煎服

〔方歌〕寒痢須用養藏湯人參白朮廣木香歸芍肉桂炙甘草粟殼訶子肉果良

熱痢

痢初實熱腹窘痛下痢無度尿短紅舌赤脣焦喜飲冷芍藥白頭香連靈〔註〕熱痢者皆因溼熱凝結於腸胃以致腹中窘痛頻頻下利尿短色紅舌赤脣焦喜飲冷水此裏熱之證也重則當歸芍藥湯主之輕則白頭翁湯主之或香連丸主之

當歸芍藥湯

當歸

白芍

木香

黃芩

黃連

肉桂

大黃

甘草 生

檳榔

水煎服

〔方歌〕熱痢當歸芍藥湯裏急後重服最良歸芍木香芩連桂大黃甘草共檳榔

白頭翁湯

黃連

黃蘗

秦皮

白頭翁

水煎服

〔方歌〕白頭翁湯治熱痢腹中窘痛溺短赤連蘗秦皮白頭翁煎服之後痢自愈

香連丸

木香

川黃連

各等分

共爲細末醋糊爲丸如桐子大量兒大小用之空心米飲下

時痢

時痢痢疾感時氣發熱無汗徧身疼熱爲邪束因作嘔倉廩湯散有奇功〔註〕時痢者乃痢疾時復感時氣也身熱無汗徧身疼痛熱爲邪束頻作嘔逆須以倉廩湯散之先解時邪其痢自止

倉廩湯

人參

茯苓

獨活

桔梗

前胡

川芎

甘草 炙

枳殼 欬炒

倉米

柴胡

羌活

引用生薑水煎服

〔方歌〕時痢須用倉廩湯參苓獨活桔梗良前胡川芎炙甘草枳殼倉米及柴羌

噤口痢

火毒冲胃成噤口脈大身熱不能食舌赤唇紅惟飲冷參連開噤散功奇〔註〕噤口痢一證乃火毒冲胃而成其證脈大身熱不能飲食舌赤唇紅惟喜飲冷急宜參連開噤散救之

參連開噤散

人參

川連

薑炒

蓮子肉

各等分

共爲細末米飲調下

瘡疾門

瘡疾總括

瘡疾夏暑秋寒風榮衛合邪病始成陰陽相並發寒熱日間淺深作分明〔註〕瘡疾者多因夏傷於暑其氣舍於

榮內至秋復感寒風則榮衛合邪而成瘡發時或寒或熱者陰陽相並也每日作者因初病邪氣尚淺伏藏於榮隨經絡而行故也其間日作者因邪已深入脊膂間伏藏於衝脈故也其晝發者因邪在三陽之淺夜發者因邪在三陰之深瘡將退者亦由夜而晝由間日而至每日此爲去陰就陽由深而淺其病欲已也治者須詳細分別可也

寒瘡風瘡

先寒後熱身無汗此爲寒瘡不須評先熱後寒身有汗有爲風瘡須詳明寒宜麻黃羌活劑風惟桂枝羌活從〔註〕此瘡疾初起發散之法也先寒後熱者因先傷於寒後傷於風寒多熱少身無汗者謂之寒瘡以麻黃羌活湯主之先熱後寒者因先傷於風後傷於寒熱多寒少身有汗者謂之風瘡以桂枝羌活湯主之

麻黃羌活湯

麻黃

羌活

防風

甘草 生

引用生薑水煎服

〔方歌〕麻黃羌活湯醫瘡身體無汗寒熱增麻黃羌活防風草引薑煎服體安寧

桂枝羌活湯

羌活

防風

桂枝

甘草 生

引用生薑水煎服

〔方歌〕桂枝羌活湯治瘡豈尋常羌活生甘草防風桂枝良

食瘡

食瘡寒熱腹脹面黃惡食悶不通輕者須用柴平劑便鞭加味大柴攻〔註〕食瘡者因食而病瘡者也由小兒飲食無節復受風暑之氣以致寒熱交作胸腹脹滿否悶不通面黃惡食也但食有輕重須當別之輕者宜柴平湯主之重者宜大柴胡湯加檳榔草果主之治者果能因證調理則積滯清而瘡漸退矣

柴平湯

陳皮

半夏 薑製

蒼朮 米泔水浸炒

厚朴 薑炒

黃芩

柴胡

甘草

人參

引用薑棗水煎服

〔方歌〕柴平湯治傷食瘧陳半蒼朮同厚朴黃芩柴胡草人參薑棗作引爲良藥

大柴胡湯 傷寒方見

瘧疾瘧飲

瘧疾瘧飲多嘔逆面黃目腫胸膈膨脹痰盛清脾加橘半飲盛加蒼倍入苓〔註〕小兒素有痰飲復因外邪凝結脾胃故嘔逆也若瘧疾或經汗下之後表裏無證宜用清脾飲以和之痰盛者本方加橘紅倍半夏飲盛者加蒼朮倍茯苓若兒氣已虛弱更當加人參以扶其正

加減清脾飲

柴胡

黃芩

半夏 薑製

甘草 炙

厚朴 薑製

青皮 醋炒

檳榔

茯苓

草果

人參

白朮 土炒

橘紅

南蒼朮 炒

引用生薑水煎服

〔方歌〕清脾治瘧兼痰飲柴芩半草朴青榔苓果氣虛參朮入痰盛加橘飲盛蒼

咳嗽門

咳嗽總括

肺病咳嗽有痰聲有聲無痰咳之名有痰無聲謂之嗽爲病寒熱食與風〔註〕病機式要云咳嗽謂有聲有痰因肺氣受傷動乎脾溼而然也咳謂無痰而有聲肺氣傷而不清也嗽謂無聲而有痰脾溼動而爲痰也二者雖俱屬肺病然又有肺寒肺熱之分食積風寒之別醫者宜詳辨之

肺寒咳嗽

肺虛飲冷致咳嗽面色晄白痰涕清聖惠橘皮宜初進補肺阿膠久嗽靈〔註〕寒嗽者因平素肺虛喜嗽生冷以

致寒邪傷肺發爲咳嗽其證面色晄白痰多清稀鼻涕初宜聖惠橘皮散主之若日久不愈者須以補肺阿膠散主之則氣順痰清而嗽自止矣

聖惠橘皮散

人參

貝母

蘇葉

陳皮

桔梗

杏仁去皮炒

引用紅棗水煎服

〔方歌〕肺虛受寒頻咳嗽橘皮散治效通仙參貝蘇葉陳皮桔杏仁微炒去皮尖

補肺阿膠散

人參

阿膠炙炒

牛蒡子炒

杏仁去皮炒

糯米

甘草炙

馬兜鈴

水煎食後服

〔方歌〕小兒肺寒時時嗽補肺阿膠效若神人參阿膠牛蒡子杏仁糯米草兜鈴

肺熱咳嗽

火嗽面赤咽乾燥痰黃氣穢帶稠黏便軟加味瀉白散便硬加味涼膈煎〔註〕火嗽一證乃火熱熏擾肺金遂致頻頻咳嗽面赤咽乾燥痰黃氣穢多帶稠黏也便軟者加味瀉白散主之便硬者涼膈散加桔梗桑皮煎服則熱退

氣清而嗽自止矣

加味瀉白散

桑皮蜜炙

地骨皮

甘草生

川貝母去心

麥冬去心

知母生

桔梗

黃芩

薄荷

水煎服

〔方歌〕加味瀉白治火欬桑皮地骨甘草合貝母麥冬生知母桔梗黃芩同薄荷

涼膈散

方見急驚風

食積咳嗽

方見急驚風